

DILUCIDATIONIS
SELECTARUM
SANCTÆ SCRIPTURÆ
QUÆSTIONUM
PARS PRIMA.

DILUCIDATIO IN LIBRUM GENESIS.

Præfatio.

Liber quo nascentis mundi primordia narrantur, omniumque ejus partium structura atque exornatio describitur, *Geneseos* nomen accepit. Si vero a matre ræ dignitate commendetur voluminis alicujus claritudo et nobilitas, præclara sane et eximia est hujus libri materies. Quid enim mundo aspectabili, in rebus a Deo conditis, mole majus, varietate admirabilius, specie magnificentius, ornato elegantius, disertissimo partium omnium ordine, miroque earum inter se quasi concantu quodam, consensuque venustius? Quid ad ingerendam mortalibus unius Dei notitiam aptius?

Si autem, ut fieri solet, scriptoris nomen et gloria librum quedam decorat atque nobilitat, magnum profecto hujus libri est elogium. Moyses namque (ut infra probabitur) ejus auctor est, vir quanto dignior omni laude, tanto omni laude major. Qualis enim et quantus fuerit Moyses, tribus libris prosecutus est Philo Judæus, et uno Gregor. Nyssenus, ubi totius vitae gesta mystice ad exprimendos viri perfecti mores transferuntur.

Ex ejus libris manifestum evadit, illum fuisse summum historicum, sive veritatem, primam historiæ laudem, speces, sive longissimi temporis seriem. Fuisse poetam insignem, probant pulcherrima duo cantica Exodi XV, et Deuter. XXXII. Philosophum fuisse eximium, nemini, qui hunc librum legerit, dubium

esse potest: nobilissimam quippe philosophiae partem, quæ tractat de mundo et homine, de luce et astris, de elementis et quidquid universi ambitu continetur, in lucem producit. Theologum illum probat sublimis illa divinorum attributorum commendatio, tota divini cultus institutio, et familiarissima cum Deo conversatio. Pontificem summum demonstrat nobis Aaronis consecratio; legislatorem perfectissimum, religionis et reipublicæ judaiceæ institutio, que omnia ad longum describuntur in lib. Exodi, Levit., et Num.

In hoc vero libro brevem a mundo condito ad patriarchæ Joseph mortem Moyses texit historiam, mundi narrans originem, protoparentum lapsum, posterorum Adæ per Cain et Seth propagationem, eorumque ob peccata per aquas diluvii exterminium, Noe ejusque filiis ad posteritatis seminarium reservatis. Deinde confusas refert in Babel linguas, Abraham, Isaac, Jacob, filiorumque ejus acta, finitque cum morte Joseph. Nullis autem in hoc opere rationibus aut argumentis utitur ad fidem rebus narratis adstruendam, sed simplici, planaque oratione; ut historicum divinitus inspiratum decet. Quia vero forte alicui (etsi infundate) ingeri posset dubitatio, an Moyses Genesim, ceterosque Pentateuchi libros scripsit: ante omnia evincendum est, Moysen esse verum Pentateuchi auctorem. Sit igitur

QUÆSTIO PRÆLIMINARIS.

AN MOYES SкриPSERIT QUINQUE PRIORES S. SCRIPTURE LIBROS.

Resp. affirmative: hocque receptissima et perpetua. S. S. XXVI.

tua traditione adeo certum est, ut neque pagani, Judæi aut christiani unquam moverint controversiam, utrum libri isti Moysi essent adjudicandi; sed omnes eos ut tales suscepserunt et citarunt; ut videre est apud S. Justinum, Irenæum, aliosque veteres christians.

(Une.)

stianæ religionis apologistas et assertores. Unde et novissima S. Trid. synodus, sess. IV, illos quinque libros Moysi adscribit. Eadem veritas in ipsa Scriptura manifesta est. Unde

Prob. I ex Exodi XXIV, ubi 4 legitur: *Scripsit autem Moyses universos sermones Domini. Et Deuteronom. XXXI, 9: Scripsit itaque Moyses legem hanc, et tradidit eam sacerdotibus filiis Levi, qui portabant arcam fæderis Domini, et cunctis senioribus Israel.*

Prob. II, ex Josue I, 7, ubi post mortem Moysis populo Israel per Josue Deus præcepit sequentia: *Facias omnem legem quam præcepit tibi Moyse servus meus... 8: Non recedat volumen legis hujus ab ore tuo: sed meditaberis in eo diebus ac noctibus, ut custodias, et facias omnia quæ scripta sunt in eo. Et IV Reg., XXI, 8: Si tamen custodierint opera omnia quæ præcepi eis, et universam legem quam mandavit eis servus meus Moyses.*

Prob. III, ex Novo Testamento, quod huic veritati etiam omnino suffragatur. Unde Luca II, 22 dicitur: *Postquam impleti sunt dies purgationis Mariæ secundum legem Moysis, tulerunt Jesum in Jerusalem, ut sisterent eum Domino, sicut scriptum est in lege Domini. Ubi lex Domini dicitur etiam lex Moysis, quoniam a Moyse prouinciata et scripta fuit. Ista vero habentur Exodi XIII et XXXIV, item Levit. XII et Num. VIII.*

Similiter Christus Dominus plerumque in Evangelio affirmat, Moysen fuisse legis scriptorem. Ita Joan. V, 45 alloquens Iudeos incredulos, quod eum, ut vere promissum a prophetis, maxime a Moyse, admittere renuerent, ait: *Nolite putare quia ego accusatus sum vos apud Patrem. Est qui accusat vos Moyses, in quo vos speratis.* 46. *Si enim crederetis Moysi, crederetis forsitan et mihi: de me enim ille scripsit.* 47. *Si autem illius litteris non creditis, quomodo verbi meis credetis?* Unde cap. I, 45, Philippus dicit ad Nathanael: *Quem scripsit Moyses in lege, et prophetæ, invenimus Jesum filium Joseph a Nazareth. Illæ autem prophetæ, quibus Messias prænuntiatur a Moyse, extant Genes. XLIX, 10, Num. XXIV, 17, etc. Vide etiam Act. XV, 21.*

Dices: Ex omnibus jam allegatis tantum sequitur, quod Moyses scriperit Decalogum aliaque præcepta quæ Deus a Iudeis observari volebat; non vero quod scriperit historias ceteraque in Pentateuco contenta.

R. Negando assumpt. Nam verba ex Novo Testamento allata plus important: siquidem prophetæ de Christo, quæ a Moyse scriptæ dicuntur, nequaquam pertinent ad Decalogum aliaque præcepta quæ Deus tum temporis a Iudeis observari volebat.

SOLVENTUR ARGUMENTA.—Obj. I. Deut. I, 1 dicitur: *Hæc sunt verba quæ locutus est Moyses ad omnem Israel trans Jordanem. Ergo necesse est ut Deuteronomii auctor, dum illa scriberet, fuerit in terra sancta, cuius habita ratione, campestria Moab, ubi ista Moyses protulit, sunt trans Jordanem. Atqui Moyses Jordanem non transiit, et terram promissam non*

est ingressus; ut constat ex Deut. III, 27, et cap. XXXIV, 5. Ergo ille hæc non scripsit; alioquin scribere debuisset, non *trans*, sed *cis Jordanem*.

R. quod, ut testatur Vatablus in hunc locum, Hebrewi eadem utuntur dictione, sive ultra Jordanem, sive citra Jordanem velint dicere: ut non nisi ex loco aut modo loquentis et audiens judicare possis an ultra vel citra dicendum sit. Cum autem Deuteronomium legendum esset quolibet septimo anno, in festo tabernaculorum, coram Israëlitis, in terra sancta jam existentibus; ut precipitur Deut. XXXI, 10: merito vulgatus interpres non scripsit *cis*, sed *trans*, ne forte rudis et imperita Iudaorum plebs existimaret Moysen, contra Dei prohibitionem, Jordanem transvisisse, et terram sanctam intrasse.

Obj. II, Gen. XII, 6 dicitur: *Pertransivit Abram terram usque ad locum Sichem, usque ad convallem illustrem: Chananeus autem tunc erat in terra. Quæ postremæ particule indicant, dum haec scriberentur, Chananeum terram illam, quam incoluit Abraham, non amplius occupasse: nam si adhuc ibi extisset, scriptor illas particulas de præterito, tunc erat, non adiecisset: atqui Moysis tempore nondum patria pulsi erant Chananei; ergo hæc a Moyse scribi non potuerunt.*

R. negando glossam verbis Scriptura appositam: illo enim commate interpositio significare voluit Moyses, Chananeos jam tum terram illam incoluisse, quando illuc primum venit Abraham: si enim hoc non fecisset, non significasset quenam gens eo tempore illam terram occupasset.

Obj. III. Quoties Moyses sua gesta narrat, de se ex propria loquitur persona; nempe: *Dixi vobis, etc., dixit Dominus ad me, etc.*; at scriptor totius Pentateuchi de Moyse, quasi de aliena persona plerumque disserit, dicens: *Sic Deus cum Moyse locutus est, etc. Deus loquebatur cum Moyse facie ad faciem. Iratusque est Moyses principibus exercitus, etc.*

R. quod satis notum sit eruditis, insolitum non esse historicis, aliqua gesta referentibus, quorum ipsi maxima pars fuerunt, de se veluti aliena persona narrare, suaque sicut et aliorum præclare gesta recensere. Id enim familiare est Cesari in suis Commentariis bellicis, sicut et Josepho in libris de Bello judaico, et recensione oppugnationis urbis Jocapar, cuius defensioni præerat.

Nec obstat quod, ubi verba quæ ipse locutus est recenseret, propriam semper personam induat: scribenti enim alienam quidem assumere personam interdum licet, loquenti nunquam, Hinc Moyses passim, maxime in Deuteronomio de se nunc in prima, nunc in tertia persona narrat. Sic cap. XXXI, 1. *Abiit itaque Moyses, et locutus est omnia verba hæc ad universum Israel, et dixit ad eos: Centum viginti annorum sum hodie, non possum ultra egredi, etc.* Ista belle explicat et confirmat S. Gregor. præfatione in librum Job, ita seribens: *Moris Scripturæ sacrae est, ut ipsi qui scribunt, sic de se in illa, quasi de aliis loquantur. Hinc est enim quod Moyses ait: « Erat... Moyses*

QUÆSTIO PRÆLIMINARIS.

vir mitissimus super omnes homines qui morabantur in terra. » Hinc Joannes dicit: « Discipulus ille, quem diligebat Jesus. »

Inst. Auctor ille, quisquis est, persæpe Moysis laudes et encomia celebrat; sic Num. XII, 3, dicit: *Erat... Moyses vir mitissimus super omnes homines, etc., et Deut. XXXIV, 10: Non surrexit ultra propheta in Israel sicut Moyses, quem nosset Dominus facie ad faciem, etc.* Atqui illa omnino aliena videntur ab eximia Moysis sanctitate, humilitate ac modestia, quæ proprias laudes refut: ergo.

R. negando min. Dum enim Moyses virtutes suas jactare alicubi visus est, minimè id arroganter fecit, sed pro suo candore, quo fit ut errata etiam ipse sua alias ingenue agnoscat. Scriptores igitur, inquit S. Gregor. loco citato, sacri eloquii qui impulsu Spiritus sancti agitantur, sic de se in illo testimonium quasi de aliis proferunt. Proinde hoc non est magis contra Moysis sanctitatem et modestiam, quam fuit contra sanctitatem et modestiam S. Joannis, dum se dixit esse discipulum quem diligebat Jesus.

Inst. II. Deut. XXXIV non solum mors et sepultura Moysis refertur, sed etiam luctus ingens ac ejulatus, quem per triginta dies continuos ediderunt Israëlitæ ob ejus obitum.

Respondent aliqui, Moysen spiritu propheticō mortem suam, etc., in literas retulisse. Verum quia in Pentateuco Moyses magis historicum quam prophetam agit, melius videtur dici, finem Deuteronomii non a Moyse, sed ab aliquo posteriore scriptore adjunctum fuisse: sive is fuerit Josue (uti satis probabile est), sive Synagoga magna, vel ipsem Esdras, qui post solutam captivitatem Babyloniam sacros libros recensuit. Præterea cit. loco Deut. 7. 6 dicitur, quod post mortem Moysis nemo cognoverit sepulchrum ejus usque in præsentem diem; id est, usque ad illum diem quo hagiographus ea scriberat quæ ibidem de morte et sepultura Moysis narrantur: atqui istud in præsentem diem, etiam spiritu propheticō, non videtur potuisse scribere Moyses; ergo haec solutio priori præferenda videtur. Et sic quoque patet, in vanum contra Moysis modestiam objecta esse supra cit. verba: *Non surrexit, etc.*

Obj. IV. Gen. XIV, 14 dicitur: *Quod cum audisset Abram, captum videlicet Lot fratrem suum, numeravit expeditos vernaculaos suos trecentos decem et octo: et persecutus est usque Dan.* Atqui, ut constat ex Judic. XVIII, 29, longe post Abram, imo et Moyses, nomen *Dan* urbi huie et regioni, quæ antea vocabatur *Lais*, inditum fuit; ergo hæc a Moyse scribi non potuerunt.

R. Moysen verisimiliter scripsisse *Lais* aut *Lesem*; sed postea pro *Lais* ab aliquo substitutum est nomen *Dan*; ut existimat A Lapide: eo quod nomen *Lais* illo tempore, quo Moysis diaria digesta sunt, hominibus esset ignotum. Et sic responderi potest ad omnia alia quæ aliquis forte prætendere posset a Moyse non potuisse scribi.

Et hæc solutio videtur melior quam responsio

P. Frassen, qui per *Dan* intelligit oppidum *Danna* inter *Socho* et *Cariathaa*: nam illi reges, utpote septentrionales vel orientales, cum spoliis non abivissent per illas partes australes. Insuper cap. XIV, 17 dicitur quod rex Sodomorum Abræ, a cæde revertenti, iherit in occursum in valle *Save*. Jam autem hæc vallis non extendit se ad partem australē, versus oppidum *Danna*; sed a mari Mortuo, per ascensum *Jordanis*, se extendit ad partem septentrionalem, usque ad mare Galilee; ut docet Adrichomius in descriptione tribus Manasse, I Num. XXIV. Ergo per *Dan* nullo modo potest intelligi mox dictum illud oppidum.

Inst. Nimis magna est distantia inter *Dan* et convallē *Mambre*, locum habitationis Abræ, ergo non videtur reges tam procul fuisse persecutus.

R. negando consequentiam: nam cum illa distantia sit 46. circiter leucarum, potuit Abram tempore sex vel septem dierum eos tam procul persecuti. Quale autem inconveniens in eo reperitur? Numquid et nostris temporibus similia subinde contigisse non leguntur?

Obj. V. Pentateuchi quisquis fuerit auctor, sepius meminit civitatis *Hebron*, maxime Gen. XXIII, 2, et cap. XXXV, 27, etc. Atqui ea civitas, quæ antea vocabatur *Cariath Arbe*, nomine *Hebron* donata fuit ab Hebron filio Caleb, post mortem Moysis; ut colligere licet ex his verbis Josue XIV, 13. *Benedixit ei Josue, et tradidit ei Hebron in possessionem.* 14. Atque ex eo fuit Hebron Caleb filio Jephone Cenezeo usque in præsentem diem.... 15. *Nomen Hebron ante vocabatur Cariath Arbe.* Ergo, etc.

R. falsum esse quod civitati *Cariath Arbe* nomen *Hebron* fecerit Caleb ex nomine unius suorum filiorum. Quinimo conjicere licet, civitatem illam antiquissimam, quæ a suo conditore dicta fuerat *Cariath Arbe*, postea vero, sed ante Israëlitarum in terram Chanaan adventum, ac proinde ante Moysen, *Hebron* fuit appellata, nomen fecisse uni ex filiis seu nepotibus Caleb: nam lib. I Paralip. II, 42 inter nepotes Caleb recensetur *Hebron* filius Maresæ filii Caleb. Vide ibi 7. 50. etc. Porro quanq; antiqua fuerit *Hebron*, erui potest ex Num. XIII, 23, ubi legimus: *Hebron septem annis ante Thanim urbem Ægypti condita est.* Thanis autem est antiquissima.

Petes: Quo tempore Moyses scripserit Genesim.

R. Triplex in hac re occurrit opinio. Prima sustinet, quod eam scripserit in aula Pharaonis, ubi, tanquam filiae illius filius educatus et eruditus omni sapientia Ægyptiorum, potens in verbis et operibus (ut dicitur Act. VII), ad annum usque quadragesimum moratus est.

Secunda opinio sustinet, quod eam scripserit ante discessum Hebraeorum ex Ægypto, cum versaretur in Madian. Ita censet Eusebius lib. IV de præparatione Evangelica, cap. II. Hujus opinionis conjectura est, ait Pererius, quod Moyses Ægypto profugus, per

quadraginta annos in terra Madian versatus sit, ubi socii sui gregem pascendi curam agens, et otio et solitudine, duabus ad commorandum scribendumque rebus maxime opportunis, ad res divinas animo pertractandas, litterisque prodendas, mirabiliter illectabatur.

Altera conjectura est, scriptionem hujus libri plurimum eo tempore conferre potuisse ad consolandos et erigendos animos Iudeorum, qui id temporis diurna et gravi admundum Aegyptiorum servitute oppressi detinebantur.

Tertia autem sententia (quae est Theodoreti, c. I in Gen., et Abulensis super cap. XIII [Gen. Q. 152]) opinatur Genesim et ceteros Pentateuchii libros a Moyse esse conscriptos post legem Iudaicam, quo nimur tempore cum Iudeis, quorum dux, doctor, et legislator erat, in solitudine versabatur, ubi tres ac quadraginta ultimos sua vita annos transegit: nam ad rudos populi hujus instructionem mundi creatio, patriarcharumque gesta scripto consignata sunt. Cetera que in quatuor aliis Pentateuchi libris continentur, scripsit in deserto, eo tempore quo vel illa a Deo audivit, vel ipse vidit et gessit. Hanc sententiam, contra Pererium, ut verisimilioram amplectitur Jansenius. Et revera videtur duabus praecedentibus plausibilior.

SYNOPSIS CAP. PRIMI.

Desribit hic Moyses creationem cœli et terræ, rerumque conditarum distinctionem et ornatum, atque hominis formationem, quem Deus quasi ceteris dominum præfecit.

QUÆSTIO PRIMA.—*QUID INTELLIGATUR ḡ 1 PER principium, in quo creavit Deus cœlum et terram.*

Inter varias expositiones que a variis afferuntur, tres celebriores sunt; quas attingit S. P. Aug. lib. I de Genesi ad litteram, cap. I. Quare,

R. et dico 1. *In principio* idem est quod in exordio rerum conditarum, sive ante omnia. Unde quemadmodum architectus edificaturus domum, in principio et ante alia bonum substruit et supponit fundamentum, ita Deus, in fabricando mundo, in principio et ante alia condidit cœlum et terram, velut duas principales partes mundi, que ceteras ordines naturæ antecedunt. Hoc sensu Psalm. CI, 26 dicitur: *Initio tu, Domine, terram fundasti, et opera manuum tuarum sunt cœli.*

Consonat S. P. Aug. lib. II de Civ. Dei, cap. VI: *Litteræ sacrae, ait, maximeque veraces dicunt, in principio fecisse Deum cœlum et terram, ut ante nil fecisse intelligatur, quia hoc potius in principio fecisse dicetur, si quid fecisset ante cetera cuncta que fecit. Haec expositio uti simplicissima est, ita à nonnullis recentioribus maxime naturalis putatur.*

Dico 2. Hic sensus plurimum juvatur per alium, si scilicet *in principio* idem sonet quod *ab aliquo initio temporis*, ut significetur mundum non semper fuisse, Deumque fecisse ut mundus, qui ab eterno

nullus erat, repente, tum nimur quando ei placuit, primum esse incepit. Ita exponunt Tertullianus, lib. adversus Hermogenem, cap. XIX, et S. Athanasius, lib. III contra Arianos, ac alii. Hunc sensum videtur declarasse Concil. Lateranense sub Innocentio III, cap. I, definiens omnipotenti Dei virtute mundum, et angelos simul ab initio temporis de nihilo esse conditos.

Dico 3. Expositio tertia est: *in principio*, hoc est *in Filio*, sive *in Verbo sibi coeterno fecit Deus Pater cœlum et terram*; ita ut insinuerit per Filium quasi per ideam et sapientiam Patris omnia esse creata. Mysticum quidem et symbolicum vocant hunc sensum Cornelius a Lapide et nonnulli alii recentiores. Verum antiqui explanatores ac pene omnes SS. PP. (quibus potius adhaerendum est quam istis recentioribus) docent istum sensum esse litteralem. Et quidem,

1. Origenes homil. I in Genes. ait: *In hoc ergo principio, hoc est in verbo suo Deus cœlum et terram fecit.*

2. S. Ambrosius, lib. I Hexam. cap. 4. *In hoc ergo principio, hoc est in Christo, fecit Deus cœlum et terram: quia per ipsum omnia facta sunt, et sine ipso factum est nihil.*

3. S. P. Augustinus, Serm. 14 de diversis, Manichæus calumniantibus huc verba Joan. 1. *Omnia per ipsum facta sunt, contraria esse his Genesios: In principio creavit Deus cœlum et terram*, respondet, eos perpetram hæc obtrudere, cum ipsem Christus Dominus se verbis illis, *in principio*, a Moyse designatum esse significet: *Ait enim, inquit, Dominus incredulis Iudeis: Si crederetis Moysi, crederetis et mihi: ille enim de me scripsit... nam in principio creavit Deus cœlum et terram* > *Moyzes scripsit, quem utique de Domino scripsisse ipsius Domini vōce firmatur loquente Evangelio; ubi Iudei cum a Domino quæsissent quis esset, respondit: In principio qui et loquor vobis.* Ecce in quo principio fecit Deus cœlum et terram. *Cœlum ergo et terram fecit Deus in Filio*, per quem facta sunt omnia, et sine quo factum est nihil... Ita S. P., qui inde concludit, Evangelium cum Genesi, et S. Joannem cum Moyse recte consentire, nec sine mysterio utrumque opera sua ordiri a voce *principii*. Eamdem sententiam tradit idem S. doctor in variis aliis libris, presertim lib. XIII Confess. cap. V, lib. I de Gen. ad litt. cap. VI, et lib. XI de Civ. Dei, cap. XXXI; uti ex questione sequenti patet.

SOLVUNTUR ARGUMENTA.—Obj. I. Moysis verba haec in re cum verbis S. Joan. non consentiunt: neque enim Moyses dicit Deum fecisse cœlum et terram *per principium*, sed *in principio*.

R. cum S. P. loco jam citato ex serm. 14 de diversis, particulam in hic idem significare ac *per*; ut constat ex Apostolo, qui utraque indiscriminat utitur, ut demonstret Christum Deum esse mundi opificem: nam ad Coloss. cap. I de illo ait: *Qui est imago Dei invisibilis, primogenitus omnis creatura: Quoniam in ipso condita sunt universa in cœlis et in*

terra. Ad Heb. vero, cap. I, dicit Deum novissime diebus istis locutum esse nobis in Filio, quem constituit heredem universorum, per quem fecit et sacerdota. Inde concludere licet, apud Moysen et Joannem principii nomen eodem sensu usurpari ad indicandum Dei Filium una cum divino Patre et Spiritu sancto esse rerum omnium conditorem. Unde S. P. Manichæus ibidem ita redarguit: *Nullo modo autem vestram prudentiam movere debet, quod Joannes Evangelista non dixerit: Omnia in ipso facta sunt, sed: Omnia per ipsum facta sunt: et non legamus in Genesi: Per principium fecit Deus cœlum et terram; sed: In principio fecit Deus cœlum et terram. Dicit enim Apostolus: (ad Ephes. , cap. I) Ut ostenderet nobis mysterium voluntatis sue secundum bonam voluntatem suam, quam proposuit in illo in dispositione plenitudinis temporum instaurare omnia in Christo, que in cœlis sunt, et que in terris in ipso. Quemadmodum itaque hic audis quod ait, in ipso, ut intelligas per ipsum; sic in eo quod dicit Joannes omnia per ipsum, etiam iu ipso intelligere cogeris.*

Obj. II. S. Hieron. initio libri de Traditionibus hebraicis improbat sententiam Tertulliani et Hilarii asserentium a Moyse scriptum: *In Filio fecit Deus cœlum et terram*; ex eo quod in hebreo habeatur: *BERESITH, quod Aquila, inquit, interpretatur IN CAPITULO; et non BEBEN, quod interpretatur IN FILIO.* Ergo male dicitur, quod initio libri Genesis habeatur Deum fecisse cœlum et terram in Filio.

R. distinguendo consequens: male dicitur quod initio Genesis habeatur Deum fecisse cœlum et terram in Filio, expressis terminis, sive quod hæc verba, *in Filio*, ibidem exprimantur; concedo consequentiam: male dicitur, quod ibidem hoc habeatur secundum sensum, sive quod per verba *in principio* idem intelligatur quod *in Filio*; nego consequentiam: ac dico S. Hieron. tantum ibidem improbare sententiam eorum qui docebant, in hebreo haberi expressis terminis: *In Filio fecit Deus cœlum et terram.*

Patet hæc responsio ex eodem S. patre ibidem propositum suum ita prosequente: *Magis itaque et secundum sensum, quam et secundum verbi translationem de Christo accipi potest: qui tam in ipsa fronte Genesios, que caput librorum omnium est, quam etiam in principio Joannis Evangelistæ, cœli et terræ Conditor approbatur. Unde et in Psalterio de se ipso ait: In capite libri scriptum est de me, id est, in principio Genesios. Et in Evangelio: Omnia per ipsum facta sunt, et sine ipso factum est nihil.* Ex quibus verbis liquet, S. Hieron. nostram interpretationem non tantum non rejicere, sed etiam approbare.

Obj. III cum Estio: Si nostra expositio subsistat, sequitur quod stellæ, herbae, bestie ceteraque omnia possint dici creata in principio; atqui tamen hoc non videtur admittendum: ergo.

Prob. min. quia de solo cœlo terraque dictum est illud: *In principio*, non vero de stellis, etc. quæ mundo continentur.

R. distinguendo sequelam majoris: sequitur quod stellæ, etc. possint dici creata in principio, si per terminum *in principio* nihil aliud intelligatur quam *in Filio*; concedo sequelam; si autem insuper quid aliud intelligatur, puta, *ante omnia et in principio temporis*, quemadmodum juxta S. P. Aug. aliosque interpres hic intelligi debet, nego sequelam; et similiter distincta min. nego consequentiam: et ad probationem dico, de solo cœlo et terra, et non de stellis, etc. dictum esse illud: *in principio*: quia sensus horum verborum non est unicus, sed triplex; nempe *in Filio*, *ante omnia*, et *in principio temporis*: qui triplex sensus formationi stellarum, etc. convenire non potest; ut patet legenti.

Obj. IV cum Philopono, lib. I de mundi opificio, cap. III. Si hæc interpretatione admittatur, non potest ex illo loco Genesis probari mundum existendi initium habuisse: cum tamen Moyses hujus productio initium indicare velit.

Respondent aliqui negando assumpt. quia, inquit, satis creandi verbo significatur, mundum existendi initium habuisse. Verum hæc responsio non evanescat difficultatem: nam verbum *creo* usurpat Scriptura etiam in aliis productionibus; nam infra y 21 habetur: *Creavitque cete grandia, que tamen sine dubio ex præexistente materia facta sunt. Unde melius*

Respondeatur, non obstante quod Moyses hic per principium etiam litteraliter designet Filium Dei, tamen illum sensum tantum esse figurate, non autem proprie litteralem: quandoquidem propriè litteralissit idem ac *in ipso exordio faciendi*, aut *ab aliquo initio temporis*; ut supra dictum est. Jamvero, cum Moyses hic ista verba non tantum usurpet in sensu figurate, sed etiam proprie litterali: satis per illa verba, *in principio*, significatur, mundum existendi initium habuisse. Ex hucusque dictis

Collige, quod tres isti sensus litteraliter et gradatim simul insinuantur; ut ex primo Iudei, tanquam parvuli et rudiores, intelligent non angelos, aut aliud quidquam, ut multi putavere, ante cœlum et terram fuisse conditum. Ut ex secundo mundum incepisse doceamus adversus Platонem et Aristotelem, qui eum eternum putaverunt. Ex tertio vero sciant doctiores, primam rerum Causam per conceptum sapientiae suæ, quæ est Verbum Dei, ideoque consequenter summa libertate voluntatis mundum condidisse; contra Epicureum et alios philosophos, quorum ille fortuito atomorum concursu, hi necessitate naturæ, mundum a Deo productum esse censuerunt.

Petes: quid hic significetur cœli et terræ nomine.

R. varias desuper dari explicationes a S. P. Aug. lib. XII Confess. cap. XX. Cœli enim et terræ nomine significatum vult, vel universam istam molem corporei mundi hujus cum omnibus, quas continet, manifestis notisque naturis. Vel juxta aliam explicationem, intelligibilem, sensibilem, spiritualem corporalemque naturam. Aut intelligit informem materiam creature corporalis ubi confusum adhuc erat cœlum et terra, quæ nunc jam distincta atque formata in istius mundi